

## MOUNTE RESTE

Ras dóu Pont de Chamet, au mié de la mountado,  
E vis-à-vis de pin qu'an jamai desverdi,  
Recouneitrés l'oustau i banèu expandi  
Que sèmpre dins la cour pipon la souleiado.

A 'no griho, un tihòu mai-que-mai endrudi,  
Un jardinet davans quàuqui plant d'ensalado ;  
En seguissènt de Crau la grand routo gravado,  
D'Arle, en vous passejant, poudès vous ié gandi.

Es aqui que lou sèr, aguènt fini ma jouncho,  
En bressant lou pichot que s'endort li man jouncho,  
S'esvalisson plan-plan mi lassige crudèu.

La femo, qu'à soun obro es de-longo afougado,  
Elo parlo: banèu..., biasso..., linge..., bugado...  
E iéu parlo: chivau..., carreto..., fouit..., courdèu!

Ghiaume LAFORET  
lou felibre carretié